

## ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ԵՎ «ԿԱԶՄ» ՇՎԵՑՑԱՐԱԿԱՆ ՄԱՐԴԱՍԻՐԱԿԱՆ  
ՀԻՄՆԱԴՐԱՄԻ ՄԻՋԵՎ

ք. Երևան

« 01 » սեպտեմբեր 2021թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն)՝ ի դեմս նախարար Վահրամ Դումանյանի, և «ԿԱԶՄ» շվեյցարական մարդասիրական հիմնադրամը (այսուհետ՝ Հիմնադրամ)՝ ի դեմս Հիմնադրամի տնօրեն Տաթևիկ Բաղդասարյանի (երկուսը միասին այսուհետ՝ Կողմեր), «ԱՐԵՎ» տեխնոլոգիական ուսուցման ծրագրի (այսուհետ՝ Ծրագիր) շրջանակում տեխնոլոգիական մասնագիտական ուսուցման ձևաչափի զարգացման, ներդրման և հնարավորությունների ընդլայնման նպատակով կնքեցին սույն փոխըմբռնման հուշագիրը (այսուհետ՝ Հուշագիր)՝ հետևյալի մասին.

### 1. ՀՈՒՇԱԳՐԻ ԱՌԱՐԿԱՆ

- 1.1. Կողմերը համագործակցում են Հայաստանի Հանրապետության օրենսդրությամբ, կանոնադրական փաստաթղթերով և սույն Հուշագրով սահմանված իրենց իրավասությունների շրջանակում՝ միմյանց համարելով ռազմավարական գործընկերներ և ուղղելով իրենց ջանքերը կրթության և նորարարության ոլորտներում համագործակցության զարգացմանը:
- 1.2. Կողմերի համագործակցությունը սույն Հուշագրի իրականացման շրջանակում կատարվում է կամավոր հիմունքներով՝ ղեկավարվելով շահերի ընդհանրության, գործողությունների համաձայնեցվածության և կառուցողական համագործակցության սկզբունքներով:
- 1.3. Կողմերի նպատակն է համագործակցության զարգացումը, ջանքերի միավորումը և համակարգումը հետևյալ հարցերի շուրջ.
  - տեխնոլոգիական կրթության (էլեկտրատեխնիկա, էներգետիկա, արդյունաբերական ավտոմատացում (ռոբոտատեխնիկա) և ուսուցման ոլորտի կրթական նախնական

/արհեստագործական/ և միջին մասնագիտական ուսումնական հաստատությունների կադրերի վերապատրաստում,

- տեխնոլոգիական կրթության և ուսուցման ոլորտի կրթական նախնական /արհեստագործական/ և միջին մասնագիտական ուսումնական հաստատությունների ուսանողների վերապատրաստում,
- տեխնոլոգիական կրթության և ուսուցման ոլորտի կրթական նախնական /արհեստագործական/ և միջին մասնագիտական ուսումնական հաստատությունների ուսումնամեթոդական և նյութատեխնիկական բազայի բարելավում,
- նախնական /արհեստագործական/ և միջին մասնագիտական կրթություն իրականացնող ուսումնական հաստատությունների և գործատուների հետ համագործակցության ձևավորում և ամրապնդում:

## 2. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

### 2.1. Նախարարության պարտականություններն են.

- 2.1.1. աջակցել տեխնոլոգիական մասնագիտությունների, մասնավորապես՝ էլեկտրատեխնիկա, էներգետիկա, արդյունաբերական ավտոմատացում (ռոբոտատեխնիկա) գծով մասնագիտական կադրերի և ուսանողների վերապատրաստմանը,
- 2.1.2. նպաստել Հիմնադրամի և ՀՀ նախնական մասնագիտական (արհեստագործական) և միջին մասնագիտական կրթական ծրագրերի իրականացնող ուսումնական հաստատությունների միջև ուղիղ կապերի հաստատման և զարգացման համար անհրաժեշտ պայմանների ստեղծմանը,
- 2.1.3. գործընկերական շրջանակներում տարածել ծրագրի և համապատասխան միջոցառումների իրականացման վերաբերյալ տեղեկատվություն,

### 2.2. Հիմնադրամի պարտականություններն են.

- 2.2.1. աջակցել նախնական մասնագիտական (արհեստագործական) և միջին մասնագիտական ուսումնական հաստատությունների տեխնոլոգիական մասնագիտությունների, մասնավորապես՝ էլեկտրատեխնիկա, էներգետիկա, արդյունաբերական ավտոմատացում (ռոբոտատեխնիկա) գծով մասնագիտական կադրերի և աշակերտների վերապատրաստմանը,

- 2.2.2. իրականացնել վերապատրաստումներ նախնական մասնագիտական (արհեստագործական) և միջին մասնագիտական ուսումնական հաստատությունների դասավանդողների համար՝ մեկ-երկու շաբաթյա մոդուլային մեթոդաբանությամբ աշխատելու նպատակով,
- 2.2.3. ՀՀ նախնական մասնագիտական (արհեստագործական) և միջին մասնագիտական կրթական ծրագրերի իրականացնող ուսումնական հաստատություններում ուսուցման որակի բարելավման նպատակով ներդնել Հիմնադրամի կողմից մշակված և Նախարարության կողմից երաշխավորված ուսումնամեթոդական բազան,
- 2.2.4. օժանդակել կրթության և տնտեսության համապատասխան ոլորտը ներկայացնող մասնավոր կազմակերպությունների հետ համագործակցության ամրապնդմանը՝ խթանելով գործատուների ակտիվ ներգրավումը կրթական գործընթացներում՝ ուսանողների գործնական աշխատանքները վերջիններիս մոտ կազմակերպելու միջոցով,
- 2.2.5. օժանդակել երիտասարդների աշխատաշուկա մուտք գործելուն՝ ապահովելով գործող աշխատաշուկայի պահանջարկին համապատասխան մասնագիտական բարձր որակավորման կարճաժամկետ վերապատրաստումներ, ինչպես նաև ուղղորդելով վերջիններիս դեպի տվյալ ոլորտում գործող կազմակերպություններ:

### 3. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 3.1. Սույն Հուշագիրը ուժի մեջ կմտնի ստորագրման օրվանից՝ 5 տարի ժամկետով: Ժամկետի ավարտին Կողմերը կարող են վերանայել սույն Հուշագիրը և համագործակցությունը շարունակելու և համագործակցության ժամկետը երկարացնելու որոշում կայացնել:
- 3.2. Կողմերը կարող են դադարեցնել սույն Հուշագիրը՝ ծանուցելով մյուս Կողմին այդ մտադրության մասին գրավոր 30 (երեսուն) օր առաջ:
- 3.3. Կողմերը կարող են փոփոխել կամ լրացնել սույն Հուշագիրը: Սույն Հուշագրում ցանկացած փոփոխություն, գործողության ժամկետի երկարացում կամ լրացում պետք է կատարվի գրավոր և վավերացվի երկու Կողմերի միջև:

### 4. ԱՅԼ ՊԱՅՄԱՆՆԵՐ

- 4.1. Կողմերը համագործակցում են Հայաստանի Հանրապետության օրենսդրության համաձայն՝ հիմնվելով փոխադարձ հարգանքի, հավասար իրավունքների, գործընկերության սկզբունքների վրա:

- 4.2. »Սույն Հուշագիրը չի ազդում Կողմերի մասնակցությամբ այլ պայմանագրերից բխող Կողմերից յուրաքանչյուրի իրավունքների և պարտականությունների վրա և Կողմերի միջև չի առաջացնում որևէ գույքային և/կամ ֆինանսական պարտականություն:
- 4.3. Սույն Հուշագրի շրջանակում կողմերի քաղաքացիաիրավական գործարքի բնույթ կրող փոխհարաբերությունները (փոխհաշվարկները) միմյանց միջև և /կամ երրորդ անձանց հետ պետք է ձևակերպած լինեն առանձին պայմանագրերով՝ ՀՀ գործող օրենսդրության համաձայն:
- 4.4. Հուշագիրը կազմված է հայերեն լեզվով, հավասարազոր իրավաբանական ուժ ունեցող երկու օրինակից: Կողմերից յուրաքանչյուրին տրվում է Հուշագրի մեկ օրինակ:

5. ԿՈՂՄԵՐԻ ՍՏՈՐԱԳՐՈՒԹՅՈՒՆՆԵՐԸ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՎԱՀՐԱՄ ԴՈՒՍԱՆՅԱՆ

«ԿԱՁԱ» ՇՎԵՅՑԱՐԱԿԱՆ ՄԱՐԴԱՍԻՐԱԿԱՆ  
ՀԻՄՆԱԴՐԱՍԻ ՏՆՕՐԵՆ  
ՏԱԹԵՎԻԿ ԲԱՂԴԱՍԱՐՅԱՆ

